

割據

青島省地方史志  
資料摘錄集

割據

後涼呂光字世明略陽人漢呂文和之後自沛避難徙  
焉父婆樓佐苻堅官至太尉光生枋頭夜有神光  
因名曰重瞳子左肘有肉印年十歲與兒童遊戲  
為戰陣之法諸兒咸推為主部多詳平侍類歎  
服及長沈毅凝重寬簡有大量喜怒不形於色  
王猛見而異之曰此非常人舉賢良除美陽令  
夷夏愛服遷鷹揚將軍累從王鑿王猛征討封  
都亭侯苻重反洛陽光為其長史擒送京師滅

李馬平符洛積功至驃騎將軍堅既平山東乃授  
光使持節都督帥衆七萬以討西域所經諸國無  
不降附至龜茲王帛純拒之光軍其城南左臂脈  
起成文曰巨霸營外夜有黑龍之祥光喜進攻  
其城西域諸胡合七十餘萬人救之皆使子馬善  
矛稍鎧如連鑠射不可入光乃結為勾鑠之陣戰  
於城西大破之帛純收其珍寶而走王侯降者三  
十餘國光入其城立帛純弟震為王以安之撫寧  
西域恩威甚著龜茲既平光有留志鳩摩羅什  
勸之東還及至玉門涼州刺史梁熙傳檄責光擅

命還師遣子胤率兵拒光於酒泉光擊破之武威  
太守彭濟勢熙請降光入姑臧自領護羌校尉涼  
州刺史主簿尉祐據允吾以叛張天錫世子大豫  
自魏安出陷昌松進逼姑臧皆討平之至是始聞  
符堅被害光奮怒哀號三軍皆縞素尋自稱  
使持節大都督大將軍涼州牧酒泉公遂定張  
掖克酒泉取枹罕會麟見金澤縣光以為瑞  
乃僭稱三河王進即天王位是為後涼光後荒耄信  
讒殺尚書沮渠羅仇羅仇弟子蒙遜叛陷臨松  
蒙遜從兄男成引兵至建康推太子段業為涼

州牧建康公太常郭磨亦叛據東苑光使庶  
長子纂討業不克討磨卒之僭位十年子紹  
嗣立偽諡太祖武皇帝紹以纂功高年長以位  
讓之纂不受尋率兵入宮迫紹自殺纂僭天  
王位怒番禾太守呂超召歸欲斬之超乘內櫺  
刺殺纂而讓位於光弟寶之子隆隆多殺豪  
望人心離貳姚興將姚碩德來伐超出戰敗還  
勸隆納質乞降尋以禿髮沮渠二寇之逼東歸姚

興授散騎常侍後坐謀反誅

自光至隆凡四主  
共十八年

按史氏世明委質偽朝位居上將藁爾夷貊承風

霧卷宏圖壯節有足稱者然潛窺晉鼎遂假  
鴻名自謂霸業克昌尋而老及政昏親離衆  
叛亦何以取焉

南涼禿髮烏孤河西鮮卑人與後魏同出初受呂光  
署築廉川堡以都之累拜征西大將軍益州牧左  
賢王隆安元年自稱大都督大將軍西平王改元  
太初改呂光金城取之二年取涼嶺南五郡更稱武  
威王三年徙於樂都立三年

禿髮利鹿孤烏孤之弟烏孤卒衆推立之遂僭嗣  
偽位改元建和徙居西平立三年

禿髮儁檀利鹿孤弟也鹿孤卒遂僭稱涼王改元  
宏昌元興三年畏秦之強去其年號罷尚書丞  
郎官至我熙四年復稱涼王改元嘉平我熙六年為北涼  
沮渠蒙遜所逼遷於樂都我熙十年儁檀出討他  
郡留太子虎臺守樂都西秦王乞伏熾磐入聞之  
帥步騎二萬襲樂都一夕城潰熾磐入城徙虎  
臺及其文武百姓萬餘口於枹罕儁檀將士聞  
亂皆逃散儁檀曰四海之廣無所容身者老矣  
寧見妻子而死遂歸於熾磐熾待以上賓之  
禮已而酖殺之并殺虎臺其國遂亡五十二年

侍禮子保固賀俱奔河西久之奔魏魏主嗣愛賀之才謂  
日卿之先與朕同涼賜姓陳氏 自烏孤至侍禮凡三主共十九年

符登字文高堅族孫也少雄勇有壯氣不修細行長

而折節謹厚頗覽書傳符堅時為揚武將軍坐事

黜為狄道長及關中亂去縣歸河州牧毛興興以

為司馬登度量不羣出言輒析理中興均服焉

然敬憚而不能委任姚萇作亂遣其弟碩德率

衆伐興相持久之興死衆推衛平為刺史已又以

平年老推登代之符丕以登為征西大將軍封南

安王遂專統征代是時歲旱衆饑道殣相望登

每戰殺賊名為熟食謂軍人曰汝等朝戰暮食



飽肉何憂於饑士衆噉死人肉輒飽健能鬥碩德  
於是下隴奔萇苻丕死其尚書寇遺奉丕子  
懿昶自杏城奔登登於是為丕發喪三軍縞素  
將立懿為主衆以懿年幼冲固請立登登乃僭即  
帝位立堅神主於軍中載以輜輶羽葆青蓋車  
建黃旗將戰必告凡所欲為啟主而後行繕甲  
纂兵將引師而東乃告堅神主曰昔五將之難  
賊羌肆害于聖躬實登之罪也今合義旅衆  
餘五萬精甲勁兵足以立功年穀豐穰足以資  
贍即日皇言電邁直造賊庭奮不顧命殞越

為期因獻款流涕將士莫不悲慟皆刻鉞鏜為  
死休字示以戰死為志每戰以長稍鈎刃為方圓  
大陣知有厚薄從中分配故人自為戰所向無  
前堅舊將徐嵩胡空等皆來歸竇衝楊定皆  
為大將軍屠各董成張龍世新平羌雷惡地  
馮翊郭質等盡應之竇衝克葺泝雍二城  
登率眾下隴入朝那克平涼戎夏歸者十餘萬  
遂自雍東至繁川新豐前後八九年間大小百  
餘戰互有勝負後姚萇死復與萇子興再戰  
兵敗為興所殺登死後子崇西奔隍中僭稱尊

號偽檢登曰太宗高皇帝後為乞伏乾歸所

逐與弟定皆死定登使質於乾歸者也自健至崇凡六

至共四

十五年

接史氏符洪附款江東志圖關右健既承家教

窺大寶遂竊鴻名永固變夷從夏遵明王

之德教闡先聖之儒風盛莫比也既而夸世

復隸國遷身罄哀哉符登集兵勵志功雖

難立而義烈慷慨矣

4.4